

არასამეწარმეო იურიდიული პირი
„ზიანის შემცირების საქართველოს კსელი“

წ ე ს დ ე ბ ა
(ახალი რედაქცია)

თბილისი
2015 წელი

მუხლი 1.

ზოგადი დებულებანი

- 1.1. ზიანის შემცირების საქართველოს ქსელი (შემდგომში - ქსელი) არის არასამეწარმეო იურიდიული პირი, რომელიც მოქმედებს საქართველოს კონსტიტუციის, კანონმდებლობისა და ამ წესდების შესაბამისად.
- 1.2. ქსელის ორგანიზაციულ-სამართლებრივი ფორმაა არასამეწარმეო (არაკომერციული) იურიდიული პირი, შემდგომში აიპ.
- 1.3. ქსელი, თავისი მიზნებიდან გამომდინარე, მოქმედებს საქართველოს მთელ ტერიტორიაზე, ასევე მის ფარგლებს გარეთ.
- 1.4. ქსელის ადგილსამყოფელია საქართველო, ქ. თბილისი, ნუცუბიძის პირველი მიკრო რაიონი, კორპუსი №7, ბინა №28;

მუხლი 2.

საქმიანობის მიზნები

ქსელის მიხედვით

ზიანის შემცირების მიდგომების განვითარება, მხარდაჭერა, პუბლიკური ნარკოპოლიტიკის განხორციელების და ნარკოტიკების მოხმარების და მასთან ასოცირებული დაავადებების პროფილაქტიკის, მკურნალობის და რეაბილიტაციის სფეროში. ქსელი აღიარებს და პატივს სცემს პუბლიკურ, ტოლერანტობის, პარტნიორობის და ადამიანის უფლებების პრინციპებს. ქსელს სწამს რომ ყოველ ადამიანს აქვს ჯანმრთელობის და კეთილდღეობის უფლება და შესწევს უნარი იზრუნოს საკუთარ თავზე, ახლობლებზე და საზოგადოებაზე.

სელის საქმიანობის მიზნებია:

- საზოგადოებრივი ჯანმრთელობის მახვევებლების გაუმჯობესება და ადამიანის უფლებების დაცვა;
- აივ/შიდს-ის, ვირუსული ჰეპატიტების და ნარკოტიკის ინექციურ მოხმარებასთან ასოცირებული სხვა პათოლოგიური მდგომარეობების გავრცელების შემცირება / თავიდან აცილება;
- ნარკოტიკების მოხმარებლების და სხვა მარგინალიზებული ჯგუფების მიმართ არარეპრესიული და არადისკრიმინაციული პოლიტიკის გატარება;
- საქართველოს ნარკოპოლიტიკის მიმართულების შეცვლა მკაცრ, სრულ აბსტინენციაზე ორიენტირებული მიდგომიდან მტკიცებულებებზე დაფუძნებულ და შედეგზე ორიენტირებული მიდგომისკენ;
- საზოგადოების, პოლიტიკოსების, კანონმდებლების და მედიის განათლება ნარკოტიკების პრობლემისადმი ალტერნატიული მიდგომების თაობაზე;
- მეცნიერულ მტკიცებულებებზე დაფუძნებულ და ეფექტიანი პროფილაქტიკური, სამკურნალო და ზიანის შემცირების სტრატეგიების განხორციელების ხელშეწყობა;
- ეროვნული და რეგიონალური ზიანის შემცირების პროგრამების მხარდაჭერა და განვითარება;
- საგანმანათლებლო პროგრამების შემუშავება და განხორციელება;
- საზოგადოების ცოდნის ამაღლება;
- ზიანის შემცირების პროექტების და ორგანიზაციების ქსელური თანამშრომლობის განვითარება;

მუხლი 3

წევრობა

- 3.1. ქსელის წევრი შეიძლება გახდეს ნებისმიერი იურიდიული პირი, რომელიც იზიარებს ქსელის მიხედვით და მიზნებს.
- 3.2. ქსელის წევრობის მსურველი წერილობითი განცხადებით მიმართავს ქსელის გამგეობას და წარმოადგენს ორგანიზაციის წესდებას, სამოტივაციო წერილს, განხორციელებული საქმიანობის ანგარიშს და სარეკომენდაციო წერილს იურიდიული პირისგან. გამგეობა წევრად მიღების საკითხს წევრს განცხადების შემოსვლიდან არა უგვიანეს 3 თვისა.
- 3.3. ფიზიკური პირი, რომელიც აქტიურად უჭერს მხარს ქსელის საქმიანობას, ქსელის გამგეობის გადაწყვეტილებით შეიძლება მიღებულ იქნეს ქსელის ასოცირებული წევრად. საპატიო წევრზე არ ვრცელდება ქსელის წევრისათვის ამ წესდებით დადგენილი უფლება-მოვალეობანი.

3.4. ქსელის დამფუძნებლები და შემდგომ გაწვევრიანებული იურიდიული პირები თანაბარი სტატუსით სარგებლობენ.

3.5. ქსელის წევრის უფლებამოსილების შეწყვეტის საფუძველი შეიძლება გახდეს:

- ა) პირადი განცხადება;
- ბ) საწევრო შენატანის ზედიზედ ერთი წლის განმავლობაში გადაუხდელობა;
- გ) კანონმდებლობით დადგენილ სხვა შემთხვევებში;

3.6. თუ წევრმა ორგანიზაციამ ერთი წლის განმავლობაში ვერ ან არ გადაიხადა საწევრო გადასახადი, გამგეობა განიხილავს შესაძლებლობას, რომ მას შეეზღუდოს უფლება მონაწილეობა მიიღოს ქსელის მიერ განხორციელებულ პროექტებში ან/და არჩეული იყოს გამგეობაში.

მუხლი 4

წევრთა უფლება-მოვალეობანი

4.1. ქსელის წევრს უფლება აქვს:

- ა) მონაწილეობდეს ქსელის საერთო კრების მუშაობაში;
- ბ) დააყენოს თავისი ან სხვისი კანდიდატურა ქსელის მმართველობის ორგანოებში არჩევის მიზნით;
- გ) კვალიფიკაციისა და შესაძლებლობების შესაბამისად მონაწილეობდეს ქსელის პროგრამებში;
- დ) მიიღოს ყოველგვარი ინფორმაცია ქსელის ხელმძღვანელი ორგანოებისა და პირებისაგან ქსელის საქმიანობის შესახებ;
- ე) ქსელის მიზნების შესაბამისად, ისარგებლოს ქსელის საკუთრებაში არსებული ინფორმაციით და მატერიალურ-ტექნიკური საშუალებებით;
- ვ) ატაროს ქსელის ემბლემა.

4.2. ქსელის წევრი მოვალეა:

- ა) დაიცვას ქსელის წესდება და მმართველი ორგანოების მიერ მიღებული გადაწყვეტილებები;
- ბ) გაუფრთხილდეს ქსელის ღირსებას, ავტორიტეტსა და ქონებას;
- გ) შესაძლებლობებისა და ინტერესების შესაბამისად მონაწილეობდეს ქსელის საქმიანობაში;
- დ) გადაიხადოს საწევრო შესატანი დადგენილი წესითა და ოდენობით.

მუხლი 5

საერთო კრება

5.1. ქსელის მართვის უმაღლესი ორგანოა ქსელის წევრთა საერთო კრება, რომელიც მოიწვევა გამგეობის მიერ წევრთა შეკრების ან/და ელექტრონული საშუალებით წელიწადში ერთხელ მაინც.

5.2. ქსელის საერთო კრებაზე ხმის უფლებით სარგებლობს ქსელის წევრი ორგანიზაციების თითო წარმომადგენელი, რომელიც უფლებამოსილია მიიღოს გადაწყვეტილებები ორგანიზაციის სახელით.

5.3. ქსელის წევრთა საერთო კრება უფლებამოსილია თუ მას ესწრება ქსელის წევრთა ორი მესამედი. თუ საერთო კრებას არ ესწრება წევრთა საჭირო რაოდენობა გამგეობის ტაქტიკური არაუგვიანეს 2 კვირისა ხელმეორედ მოიწვევს ქსელის წევრთა საერთო კრებას.

5.4. საერთო კრების დღის წესრიგში წესდების ცვლილებების საკითხის შეტანას წევრებს გამგეობა, გარდა იმ შემთხვევებისა, როდესაც ცვლილებებისა და დამატებების პროექტი წარდგენილ იქნა ქსელის წევრთა ერთი მესამედის მოთხოვნით.

5.5. საერთო კრება გადაწყვეტილებებს იღებს დამსწრეთა უმრავლესობით თუ წესდებით ან კანონით სხვა წესი არ არის გათვალისწინებული. ოველ წევრს აქვს ერთი ხმა. Xმის გადაცემა დაუშვებელია.

5.6. საერთო კრება:

- ა) დამსწრეთა ორი მესამედი ხმების უმრავლესობით იღებს ქსელის წესდებს და ცვლილებები შეაქვს მასში.
- ბ) ფარული კენჭისყრით კრებაზე დამსწრეთა უმრავლესობით ირჩევს გამგეობის წევრებს. ხმების თანაბრად გაყოფის შემთხვევაში იმართება წილისყრა;
- გ) ისმენს ქსელის საქმიანობის და ფინანსურ ანგარიშს;
- დ) დამსწრეთა უმრავლესობით ამტკიცებს გამგეობის მიერ წარმოდგენილ ქსელის საქმიანობის სტრატეგიულ მიმართულებებს;
- ე) იღებს გადაწყვეტილებას ქსელის ლიკვიდაციის შესახებ;
- თ) იღებს გადაწყვეტილებას წევრის ქსელიდან გარიცხვის შესახებ.

- 5.7. რიგგარეშე საერთო კრება მოიწვევა ქსელის გამგეობის მიერ:
- ა) საკუთარი ინიციატივით;
 - ბ) თავმჯდომარის ან ქსელის წევრთა მეთაულის მოთხოვნით, ასეთი მოთხოვნის წარდგენიდან არა უგვიანეს ერთი თვისა;

**მუხლი 6
გამგეობა**

- 6.1. ქსელის მმართველობითი ორგანოა 9 (ცხრა) წევრისაგან შემდგარი ქსელის გამგეობა, რომლის წევრებსაც ორი წლის ვადით ირჩევს საერთო კრება.
- 6.2. გამგეობის წევრთა უფლებამოსილება იწყება მათი არჩევის მომენტიდან და გრძელდება ახალი გამგეობის წევრების არჩევამდე.
- 6.3. გამგეობის შემადგენლობა ყოველი არჩევისას ნდა განახლდეს სულ მცირე სამი წევრით.
- 6.4. გამგეობა უფლებამოსილია, თუ გამგეობის სხდომას ესწრება გამგეობის წევრთა ნახევარზე მეტი.
- 6.5. გამგეობის სხდომები იმართება კვარტალში ერთხელ. რიგგარეშე სხდომა მოიწვევა ქსელის თავმჯდომარის მიერ ან გამგეობის წევრთა ერთი მესამედის მოთხოვნით. ადაწვევტილება მიირება დამსწრეთა უმრავლესობით. Xმების თანაბრად გაყოფის შემთხვევაში გამგეობის თავმჯდომარის ხმა გადაწყვეტია.
- 6.6. გამგეობის წევრთაგან ფარული კენჭისყრით ირჩევს გამგეობის თავმჯდომარეს;
- 6.7. იწვევს და ატარებს საერთო კრებას, კრების თარიღისა და დღის წესრიგის შესახებ ორი კვირით ადრე მაინც აცნობებს ქსელის წევრებს;
- 6.8. ამზადებს ქსელის წესდებაში ცვლილებებისა და დამატებების პროექტს საერთო კრებისათვის წარსადგენად, რომელსაც აქვეყნებს კრებამდე ორი კვირით ადრე;
- 6.9. თანამდებობაზე ნიშნავს ქსელის აღმასრულებელ დირექტორს.
- 6.10. განიხილავს და აუქმებს აღმასრულებელი დირექტორის მიერ მიღებულ გადაწყვეტილებებს, თუ ის აშკარად შეუსაბამოა ქსელის საქმიანობის მიზნებსა და სტრატეგიასთან.
- 6.11. შეიმუშავებს და საერთო კრებას დასამტკიცებლად წარუდგენს ქსელის საქმიანობის სტრატეგიულ მიმართულებებს.
- 6.12. ამტკიცებს ქსელის მიერ გაწეული საქმიანობისა და ფინანსურ ანგარიშს საერთო კრებისთვის წარსადგენად.
- 6.13. ამტკიცებს ქსელის სტრატეგიული განვითარების გაგმასა და საბიუჯეტო პარამეტრებს და განსაზღვრავს წევრთა შენატანების ოდენობას და წესს.
- 6.14. ამტკიცებს ქსელის აღმასრულებელი დირექტორის საქმიანობის შესახებ დებულებას, ქსელის სამდივნოს საქმიანობის შინაგანაწესს და ორგანიზაციულ სტრუქტურას, აღმასრულებელი დირექტორის მიერ წარმოდგენილ პროექტებს.
- 6.15. ამტკიცებს აღმასრულებელი დირექტორის ანგარიშს გაწეული საქმიანობის შესახებ.
- 6.16. ფარული კენჭისყრით წევრთა უმრავლესობით თანამდებობიდან გადააყენებს ქსელის გამგეობის თავმჯდომარეს ან/და აღმასრულებელ დირექტორს.
- 6.17. ხმათა უმრავლესობით წვევტს ქსელის წევრად მიღების საკითხს.
- 6.18. წვევტს ქსელის გაერთიანების საკიტხს სხვადასხვა კოალიციებში.
- 6.19. წვევტს სხვა საკითხებს, რომლებიც გამომდინარეობს ქსელის საქმიანობის მიზნებიდან და ამ წესდებით არ განეკუთვნება საერთო კრებისა და სხვა მმართველი ორგანოების კომპეტენციას.

**მუხლი 7
გამგეობის თავმჯდომარე**

- 7.1. ქსელის გამგეობის თავმჯდომარეს, თავის წევრთაგან ორი წლის ვადით არაუმეტეს ხედიზედ ორი ვადისა, ირჩევს გამგეობა მორიგი საერთო კრების შემდეგ პირველსავე სხდომაზე.

- 7.2. თავმჯდომარის კანდიდატურის წამოყენების უფლება აქვს გამგეობის ნებისმიერ წევრს.
- 7.3. ქსელის თავმჯდომარის უფლებამოსილება იწყება არჩევის მომენტიდან და გრძელდება ახალი თავმჯდომარის არჩევამდე.
- 7.4. ქსელის გამგეობის თავმჯდომარე:
- ა) ხელმძღვანელობს გამგეობის საქმიანობას და უძღვება მის სხდომებს
 - ბ) ზედამხედველობას უწევს აღმასრულებელი დირექტორის საქმიანობას.
 - გ) აღმასრულებელი დირექტორის აღყოფნისას ასრულებს მის ფუნქციებს.
 - დ) ერთპიროვნულად დამოუკიდებლად წარმოადგენს ქსელს სხვა პირებთან ურთიერთობაში;
 - ე) ასრულებს მასზე დაკისრებულ სხვა ფუნქციებს, რომელიც გამომდინარეობს ქსელის მიზნებიდან;

მუხლი 8

აღმასრულებელი დირექტორი

- 8.1. ქსელის აღმასრულებელ დირექტორს ნიშნავს ქსელის გამგეობა;
- 8.2. აღმასრულებელი დირექტორი თავის უფლებამოსილებას ახორციელებს ამ წესდების, აღმასრულებელი დირექტორის საქმიანობის შესახებ დებულებისა და შრომითი ხელშეკრულებით გათვალისწინებული უფლებამოსილების ფარგლებში.
- 8.3. აღმასრულებელი დირექტორი ანგარიშვალდებულია გამგეობის წინაშე და ყოველ კვარტალში ერთხელ წარუდგენს მას გაწეული საქმიანობის ანგარიშს.
- 8.4. აღმასრულებელი დირექტორი ერთპიროვნულად დამოუკიდებლად წარმოადგენს ქსელს სხვა პირებთან ურთიერთობაში და ხელს აწერს ქსელის ოფიციალურ დოკუმენტაციას.
- 8.5. უზრუნველყოფს ქსელის სტრატეგიული გეგმის შესრულებას და ზედამხედველობას უწევს ქსელის პროექტების განხორციელებას.
- 8.6. განკარგავს ქსელის ფინანსურ და სხვა რესურსებს;
- 8.7. აღმასრულებელი დირექტორი ვალდებულია გამგეობას დასამტკიცებლად წარუდგინოს ქსელის პროექტები და პროგრამები.

მუხლი 9

სარევიზო კომისია

- 9.1. ქსელის გამგეობის თავმჯდომარის, გამგეობის, აღმასრულებელი დირექტორისა და მათ მიერ დამტკიცებული თანამდებობის პირების მიერ ქსელის წესდების შესრულებისა და ქსელის მიზნებისა და სტრატეგიის, ასევე ფინანსური სახსრების თუ სხვა ქონების საწესდებო მიზნების შესაბამისად გამოყენებაზე კონტროლის განხორციელების მიზნით შეიძლება შეიქმნას სარევიზო კომისია, რომელიც უფლებამოსილია შეამოწმოს ყველა სახის ფინანსური თუ სხვა სახის დოკუმენტაცია.
- 9.2. კომისია შედგება 3 (სამი) წევრისაგან და მათ ირჩევს საერთო კრება ორი წლის ვადით.
- 9.3. კომისია შეიმუშავებს დასკვნას და წარუდგენს თავის რეკომენდაციებს საერთო კრებას.
- 9.4. კომისიის შეკრების და მოქმედების საფუძველი შეიძლება გახდეს ქსელის ნებისმიერი წევრის დასაბუთებული მიმართვა.
- 9.5. კომისიის წევრი არ შეიძლება იყოს გამგეობის წევრი.
- 9.6. სარეკომენდაციო წერილით მიმართავს, ქსელის იმ წევრს, რომლის საქმიანობაც ეწინააღმდეგება ქსელის მისიასა და მიზნებს, ან რომელიც უხეშად არღვევს წესდებით მასზე დაკისრებულ მოვალეობებს.

მუხლი 10

ქსელის ქონება

- 9.1. ქსელის ქონება იქმნება საწევრო შენატანების, წევრთა და სხვა პირთა შემოწირულობების, გრანტების, დამხმარე სამეწარმეო საქმიანობითა და სხვა კანონიერი გზით მიღებული შემოსავლებისაგან.
- 9.2. ქსელის ქონება შეიძლება მოხმარდეს მხოლოდ მისი საწესდებო მიზნების განხორციელებას.

მუხლი 11

ქსელის საქმიანობის შეწყვეტა

- 11.1. ქსელის ლიკვიდაცია ხდება:
- ა) ქსელის საერთო კრების გადაწყვეტილებით;
 - ბ) კანონით გათვალისწინებულ შემთხვევებში სასამართლოს გადაწყვეტილებით.

11.2. ლიკვიდაციის შემდეგ დარჩენილი ქონება სალიკვიდაციო კომისიის მიერ გადაეცემა მსგავსი მიზნების მქონე სხვა არასამეწარმეო იურიდიულ პირებს.

მუხლი 12

ქსელის დამფუძნებლები

11.1 ქსელის დამფუძნებელთა სია თან ერთვის წესდებას № 1 დანართის სახით და წესდების განუყოფელ ნაწილს წარმოადგენს.

დანართი №1 ქსელის დამფუძნებლები არიან:

1. კავშირი "ალტერნატივა ჯორჯია" რეგისტრირებული თბილისის ვაკე-საბურთალოს რაიონული სასამართლოს მიერ, 2004 წლის 9 სექტემბერს, რეგისტრაციის №5ა/9-81. მესამე პირებთან წარმომადგენლობითი უფლებამოსილების მქონე პირი გამგეობის თავმჯდომარე - დავით ოთიაშვილი, ექიმი, დაბადებული ქ. თბილისში 31.10.1967წ. მცხოვრები ქ. თბილისი ნუცუბიძის I-ლი მ/რ კორპ 7. ბინა 28. ორგანიზაციის იურიდიული მისამართი: ქ. თბილისი, ასათიანის №10. მასათიანის სახელობის ფსიქიატრიის სამეცნიერო-კვლევით ინსტიტუტი;
2. კავშირი "კონსტიტუციურ უფლებათა დაცვის ცენტრი" - რეგისტრირებული თბილისის რეგისტრაციის №2/9-58. მესამე პირებთან წარმომადგენლობითი უფლებამოსილების მქონე პირი - ალექსი შოშიკვაშვილი, იურისტი, დაბადებული ქ. თელავში 17.02.1971წ. მცხოვრები ქ. თბილისი, ს. ნასამხრალი. ორგანიზაციის იურიდიული მისამართი: ქ. თბილისი, მარჯანიშვილის ქ. №29; მინდობილობა დამოწმებულია 22.09.2006წ. ნოტარიუს მარეხ ჩოფიკაშვილის მიერ, რეესტრის №
3. კავშირი - ფსიქო-სოციალური ინფორმაციისა და კონსულტაციის ცენტრი "ახალი გზა" რეგისტრირებული თბილისის ვაკე-საბურთალოს რაიონული სასამართლოს მიერ, 2002 წლის 24 სექტემბერს, რეგისტრაციის №5ა/9-430. მესამე პირებთან წარმომადგენლობითი უფლებამოსილების მქონე პირი გამგეობის თავმჯდომარე - დალი უშარიძე, ფსიქოლოგი, დაბადებული ქ. თბილისში, 20.08.1957წ. მცხოვრები ქ. თბილისი, ვაშლიჯვარი გომიაშვილის I შეს. III ნიხი, № 1. ორგანიზაციის იურიდიული მისამართი: თბილისი, ვაშლიძეარი, გომიაშვილის I შეს. III ნიხი, № 1;
4. კავშირი - სამედიცინო სოციალურ-ეკონომიკურ და კულტურულ საკითხთა ცენტრი "ურანტი" - რეგისტრირებული თბილისის ვაკე-საბურთალოს რაიონული სასამართლოს მიერ, 2003 წლის 5 დეკემბერს, რეგისტრაციის №5/9-809. რეესტრში ბოლო ცვლილებების რეგისტრაციის თარიღი 2004 წლის 19 მაისი. მესამე პირებთან წარმომადგენლობითი უფლებამოსილების მქონე პირი გამგეობის თავმჯდომარე ზურაბ სიხარულიძე, ექიმი, დაბადებული ქ. თბილისში 27.11.1966წ. მცხოვრები პეკინის №31, ბინა 29. ორგანიზაციის იურიდიული მისამართი ქ. თბილისი, ნუცუბიძის ქ. №217, ბინა 40.
5. კავშირი - საინფორმაციო სამედიცინო ცენტრი "თანადგომა" რეგისტრირებული თბილისის ვაკე-საბურთალოს რაიონული სასამართლოს მიერ, 2000 წლის 16 ოქტომბერს, რეესტრში ბოლო ცვლილების რეგისტრაციის თარიღი 2004 წლის 16 ივლისი. რეგისტრაციის №5/9 - 356 მესამე პირებთან წარმომადგენლობითი უფლებამოსილების მქონე პირი გამგეობის თავმჯდომარე ქუთუაძე ტედიძე, ექიმი, დაბადებული ქ. თბილისში 30.05.1971წ, მცხოვრები ქ. თბილისში აბაშიძის №43, ბინა 47. ექიმი. ორგანიზაციის იურიდიული მისამართი ქ. თბილისი, ჭავჭავაძის გამზირი №44;
6. ფსიქოლოგთა და ფსიქოთერაპევტთა ასოციაცია - რეგისტრირებული თბილისის ვაკის რაიონული სასამართლოს მიერ, 1999 წლის 5 აპრილს, რეგისტრაციის №5/9-149. რეესტრში ბოლო ცვლილების რეგისტრაციის თარიღი 2006 წლის 8 მაისი. რეგისტრაციის №729. მესამე პირებთან წარმომადგენლობითი უფლებამოსილების მქონე პირი გამგეობის თავმჯდომარე სოფიო ვერულაშვილი, ფსიქოლოგი, დაბადებული ქ. თბილისში 21.12.1972წ. მცხოვრები ქ. თბილისში, სურამის ქ. №7. ორგანიზაციის იურიდიული მისამართი ქ. თბილისი, ვაჟა-ფშაველას გამზირი №16., X სართული
7. კავშირი „ქალთა კლუბი „პეონი“, რეგისტრირებულია თბილისის საბურთალოს რაიონული სასამართლოს მიერ, 1998 წლის 8 მაისის დადგენილებით, რეგისტრაციის №5ა/9-32; ცვლილებები რეგისტრირებულია 2004 წლის 9 ივლისს, ქ. თბილისის ვაკე-საბურთალოს რაიონული სასამართლოს მიერ, რეგისტრაციის №5ა/9-32. მესამე პირებთან წარმომადგენლობითი უფლებამოსილების მქონე პირი მანანა სოლოლაშვილი, ფსიქოლოგი, დაბადებული მცხეთაში, 14.09.1957წ, მცხოვრები გრ. აბაშიძის №6/14. ორგანიზაციის იურიდიული მისამართი: ქ. თბილისი, დიდი დიდოში, გიორგი ბრწყინვალეს ქ. №41. მინდობილობა დამოწმებულია 22.09.2006წ. ნოტარიუს მარეხ ჩოფიკაშვილის მიერ, რეესტრის №